

# Powšitkowne WOZJEWJENJA

njedźelu, 11. awgusta 2019

## **Kemše za wučerjow a kublarjow**

Wšitcy wučerjo a kublarjo su srjedu, 14. awgusta, we 18 hodź. wutrobnje na Božu mšu do Róžanta přeprašeni. W poslednim prózdniskim tydženju móža so tak tež duchownje na nowe šulske lěto nastajić.

## **Zetkanje samostejacych**

Samostejacy ze serbskich wosadow su na swoje přichodne zetkanje štwórtk, 5. septembra, w 14 hodź. do Domu biskopa Bena w Smochćicach přeprašeni. Zajimcy njech so prošu hač do štwórtka, 29. awgusta, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli.

## **Swójbne popołodnjo na Kukowskim hrodzišću**

Dekanatne dušepastyrstwo přeprašuje wutrobnje na swójbne popołodnjo njedźelu, 1. septembra, na Kukowske hrodzišće. Wot 14.30 hodź. poskići so swačina a w 15.30 hodź. je nyšpor. Přizamknu so wšelake poskitki za džěci, młodostnych a dorosćenych.

## **Přednošk k stawiznam Małeho Wjelkowa**

W něhdyšich sotrowskich domach na Zinzendorfowej dróze w Małym Wjelkowje porěči Lubina Malinkowa sobotu, 31. awgusta, w 20 hodź. k temje „Mały Wjelkow – serbski Ochranow“. Wšitcy su wutrobnje přeprašeni.

## **Kocorowy rekwiem lětsa w Ketlicach**

Wumělske herbstwo pěstować, kiž ma swoje korjenje w bliskej domiznje – z tutym zaměrom Ewangelske kantorstwo při cyrkwi swjateho Mikławša w Lubiju pod nawodom cyrkwinskeho hudźbnego direktora Christiana Kühny nazwučuje lětsa Korle Awgusta Kocorowy „Serbski rekwiem“. Předstajenje je njedźelu, 10. nowembra, w Ketličanskej cyrkwi předwidžane. K zesylnjenju chóra su dalši, předewšěm serbscy spěwarjo wutrobnje witani. Proby su wotnětka kóždnu pónđzelu wječor wot 19.30 hodź. na hudźbnej žurli Lubijskeho Gymnazija bratra a sotry Scholl, Pestalozzijowa dróha 21. Naprašowanja su móžne pola Friedharda Krawca, stajneho spěwarja w chórze kantorstwa, telefonowe čisło (0 35 85) 4 13 72 48.

## **Zwjazk Carity pyta hladarjow**

Hornjołužiski zwjazk Carity pyta fachowy personal hladanja chorych ludźi w swojimaj socialnymaj stacijomaj w Kamjencu a Budyšinje. Džělowy čas je fleksibelny a na službne potřebnosće wusměrjeny. Zwjazk Carity skići njewobmjezowane džělowe zrěčenje hač do 30 hodźin wob tydžeň. Nadrobne informacije k žadanjam na městna nańdu zajimcy na internetowej stronje [www.caritas-oberlausitz.de](http://www.caritas-oberlausitz.de) pod rubriku aktualne wupisanja džělowych městnow. Tež telefonowe naprašowanja su móžne pola Sylwije Scholz, telefonowe čisło (0 35 91) 49 82 88 abo pisomne z mailku na [s.scholz@caritas-oberlausitz.de](mailto:s.scholz@caritas-oberlausitz.de)